

## 《全元文》失收墓志七篇补遗

崔瑞萍

**摘要:**《全元文》是近年来古籍整理的一项辉煌成果,但因工程浩大,难免有所疏漏。本文从《山左冢墓遗文》、《古志石华》、《台州金石录》、《句容金石记》、《越中金石记》、《吴中冢墓遗文》中辑得其失收墓志7篇。

**关键词:**《全元文》;墓志;补遗

**中图分类号:** I214.1

**文献标识码:** A

**文章编号:** 1009-1017(2011)01-0042-03

北京师范大学古籍所负责编纂的《全元文》是古籍整理的一项辉煌成果,厥功甚伟。但此工程浩大,所涉典籍浩繁,因此难免有所疏漏。笔者从《山左冢墓遗文》、《古志石华》、《台州金石录》、《句容金石记》、《越中金石记》、《吴中冢墓遗文》中辑得《全元文》未收墓志7篇,除首篇不知作者外,其它6篇分别为孙琰、张元、王沂、秦元高、范庭珪、顾信所作,其中孙琰、张元、秦元高、范庭珪、顾信5位是《全元文》失收作者。

### 1、无名氏《范楫墓志》

大元赠中大夫、般阳路总管、轻车都尉、追封高平郡侯讳楫,夫人两宋氏,高平郡夫人。郡侯卒年四十有八,时至元丙子六月十二日也。夫人宋氏后公二十四年卒,寿七十有四,寔大德三年正月二十三日也。三子:长惠郁,通议大夫中书刑部尚书枢密院判;次惠忠,蚤逝;次惠质,奉直大夫、东平路总管府判官。女五人,皆适名家也。至元四年戊寅仲冬下旬四日志。

此文辑自罗振玉《山左冢墓遗文》,见新文丰出版公司1982年版《石刻史料新编》第一辑第20册第14922页。

### 2、孙琰《有元承直郎嘉兴路经历王公墓志铭》

东平路开河镇巡检孙琰撰并书丹题盖。

公讳敬先,字图南,筠斋其自号也,世居高唐。曾祖讳禧,字庆叔。祖讳宇,二世韬光不仕。考讳翼,字明之,以儒饰吏,早跻通显,积阶朝列大夫、中书户部侍郎。岁许天下财赋,有名当时。妣李氏,

封高唐郡太君。公荫父贵,授将仕郎,提领广平路武安务,生财有度,咸称其能。调河南路陕州判官,斥逐冗吏,奸贪,庭无留讼,政通人和,民俗翕然丕变。宪府交章荐辟,有德政碑以纪其实。再调承事郎,大名路录事,开诚心,布公道,掺断有经,不避权贵,豪华为之敛迹。时久旱不雨,公祷辄应,秋遂大熟。迁承务郎,尹德平县,务农下士,别植利,百废俱,惠泽周浹,政如陕州。转新升承直郎、嘉兴路经历,浙右剧郡,民夥事繁,案牘山积,或格或沮,或议或署,笔翰如流。事迎而解,剖析无不当理。不数月纪纲大振,浇风化淳,丰常平之储而歉岁有赖,绳织室之弊而筐贡克修,及民间所有冤枉者皆得平反。郡人蒙其惠,为立去思碑,悉载其行事,士人歌诗以赞其美。以母忧归乡里,于至正五年四月廿六日以疾终于正,享年五旬。卜以其年七月廿八日葬于郡东一十五里王家寨先茔之次,夫人袁氏焉,礼也。夫人故承事郎、东光县尹袁公之女,封高唐郡宜人,先公卒。一子曰鹤,娶大名望族芦氏之女。女二人:长适承事郎、太庙署丞孙琮,次在室。后娶杨氏,一子曰佛宝,女一人在幼。霍氏一子曰张家驹,女二人皆幼。公自少时颖悟过人,倜傥不羁,仪容后逸,博学口辩,班马之记,成诵。商略古今人物、时政得失及接人待物、处事审法如宿构然,人以廊庙器重之。惜乎天不假年,痾疾不起。呜呼!命矣夫!故为之铭曰:惟公之才,乃尽厥臧。嗟公之寿,云乎不长。位期通显,懋渍用彰。中道而殒,世不可量。勒碑铭墓,永示不忘。至正乙酉七月廿八日,孤子鹤泣血谨志,石匠长清孙惟贞同侄杰镌。

本文来源及所用版本、页码同上。孙琰其他生平事迹不详。

收稿日期: 2010-05-08

作者简介: 崔瑞萍(1977-),女,山西省霍州市人,国家图书馆博士后,研究方向为古典文献学。

### 3、张元《故郭公墓志铭》

河内张元述并书。

至元二十六年二月既望，邑人西郭生偕邑老苏庭秀、王仲容过弊庐。具酒奉觞，致敬礼毕，郭生鞠躬进而言曰：“我先人值宋绍定五年凶荒之后，流离于太行之北，寓居天党。端平三年三月十三日以疾终，寿止于二十八岁。其时仓猝浅瘞之，赖母氏李提携孤幼出于万死之地，得达乡里，于今五十有四矣。每一念至，肝肠为之断裂。欲报之德，昊天罔极。谨卜于本年八月八日，迁葬于太行平原之上。思父之心，葬祭以礼，犹为未足，欲托片言以传不朽，遂采石他山，磨之砻之，愿先生哀其愚衷而志之。幽明受赐，弗敢忘德。”余闻之愕然，曰：“陋巷书生，素不涉学，是诚不能。”辞益坚而请益固，然而郭生年逾五十尚有婴慕之心，又舜之徒与？又欲勒之贞珉以昭先德，可谓始终能尽其孝者矣，姑为次其世系子孙及公之生平行止而书于石。公讳瑞，字仲祥。其先太原人，后徙于河内。祖讳信，父讳诚，俱业精于医。其设心以活人济众为务，清名美誉，播于当世，宜乎积善之庆流及后裔也。公生而奇伟，长而明敏，常有济人之志而无荣利之心，不遇其时，不得其寿，身歿他乡，何其不幸也。有子男一人曰□□，字君璋，即西郭生也。克修其身，家道日益昌盛，乡里视以为则。孙男二人，曰通、曰达。曾孙男一，孙女二，尚幼。噫！天之报施，夺彼与此，何薄于其身而后昌其子孙乎？为之铭曰：郭本姬出，祖居太原。属世离乱，挈家南迁。达于覃怀，寓止河内。业精于医，传之三世。猗嗟郭公，生不逢辰。历诸险阻，独行□□。天党侨居，凶灾荐至。百疗不差，奄然而逝。浅止权瘞，谁护其丧。孤坟三尺，寥寥夜长。是有令子，克尽孝道。为之棺槨，卜其宅兆。太行之阳，龙蟠凤翔。魂兮归来，此元堂。爰摭其实，揭诸贞石。子子孙孙，敬奉无□□。

本文辑自清黄本骥《古志石华》卷三十，见新文丰出版公司1979年版《石刻史料新编》第二辑第2册第1410页。张元其他生平事迹不详。

### 4、王沂《故处士郭公墓志铭》

宣□□□书博士、朝散大夫兼经筵译文官王沂撰，□□□□□奎章阁鉴书博士柯九思书，翰□□□□知制诰、宣文阁授经郎、儒林郎兼经筵译文官周伯琦篆。

处士讳庚□□□□郭氏，其先会稽人。祖当宋之季游天台，乐其土风文物之美，娶焉□□□□□其后子孙众多，分散他处。有居黄山者，有居宁

川者，有之他郡而居者，□□□□居五云之南则其处下渡者也。处士生九年丧其父，十五年而丧其母，居丧□□□哀不类儿童。既长就学，益知刻苦刮厉，期有所树立，以无忝其祖恭。以持□□己敬，以亻其人。勤劳约俭，以理其室。而能散其有，以衣食乡邻之贫者，有请□□具所求弗具庚之责也。或劝使仕，则笑不答。扁所居斋曰“德”，日坐其中，以读书勤学为事，怡怡然若有所自得也而以终其身。至元重建之五年，处士年八十。十一月初四日，其初度也，亲宾咸集，乃立诸子阶下而语之曰：“若知吾命斋之意乎？吾闻人必有以遗其子孙。吾少孤，勤劳艰难以于此，吾无以若遗也。吾惟种吾德以遗若，若其务滋，吾德乎？”未几疾卒，其年十二月廿六日。其子以至正十七年十二月十三日壬子葬处士南村风化里缙坊奥之原。考孝祖母陈姓，娶沈氏，子男四人：复亨、谦亨、鼎亨、元和。女二人：长适黄山茹文森，次适同里张思诚。孙男女二十人。呜呼！此其种德之报也耶？铭曰：郭氏之先，来自会稽。未及百年，既蕃既滋。叔也幼孤，涕泗号□□。克勤不怠，以植厥墓。言树之德，其报维何。如其先人，子孙之多。南村之原，不远□□而。□□坟四尺，处士之归。

本文辑自黄瑞《台州金石录》卷十三，见《石刻史料新编》第一辑第15册第11163页。王沂字思鲁，真定人，延祐进士，历翰林编修、国子博士、翰林待制、礼部尚书等职，著有《伊滨集》。《全元文》第60册已收其文203篇。

### 5、秦元高：《故南山处士张公墓志铭》

戴亭张氏瞻，讳云霓，世居句曲。曾大父邦显，大父日升，父思恭，俱隐不仕。公年十一父歿，母杨氏守节，教养诸子习科第业。乙亥岁，时事变迁，公奉母避地。天兵四临，麾城□□邑，公亦被获，哀恳主帅，以有母闻，因叹其孝而释之。险阻备尝，俭勤自励，生理日益，于其定省温□□一无亏。母八十有四以寿终，哀毁逾礼，遐迹传慕。公处家以睦，待人以宽，功总同爨，堂宇萧森。尝书公艺百忍于屏，为所守法，以“好学”、“知务”、“修德”三语为座右铭。公兄既丧，以恩义抚其侄天麒犹子，而天麒亦以道事公也。雍雍一门，举无闲言。公弟早世，每痛悼之，欲继其嗣弗果，而以邑南黄堰田入崇明寺罗汉院，立祠祀之，用永香火，邑进士胡芳叔多其义而纪以文。乡里有怀谲渫恶之民，忿争辨讼，公往谕以义理，则皆靡然服从，莫不称美，有古人风。晚年脱去世械，属家子侄，葺园筑亭，豆觞为娱，若将终身焉。一日谓其子曰：“余年九十，

人生三乐之一也。然所念者，父母之劬劳耳。吾父寿止三十有一，岂不痛哉！况桑榆晚景，岁月几何？为吾祀先，远会宾亲，以尽余意。”诸子承志，维谨置祭肆筵，姻友宴聚，乡邻至者几千人，诗文称是。又四稔，戊辰冬，诸子在列，忽曰：“吾谢斯世，汝曹勉旃。”越信宿后复曰：“己所不欲，勿施于人。”言之者再，及明而终，享年九十有四。生于宋理宗端平乙未十一月二十有八日。昆仲三人，公居其次，家向曲南山，因自号南山处士，子昂学士扁其庐。娶李氏，先公廿六年卒。子三人：长天麟，年六十有六，先公三月卒。次天锡，次天福。女一人，适条事蔡公之子。孙男六人：文宝、文昌、文圭、文明、文昱、文远。孙女六人。曾孙四人：琛、瑜、瓚、。公歿于元明宗天历元年十月十五日，是年十二月初八日丙申安厝于家西南柏庄之原，附先莹，治命也。里戚倪咨夔状其行，请铭于余，铭曰：身润非富，维德之新。家齐有道，维天之抡。勤俭自立，孝养慈亲。道义为守，化诱乡邻。孰咎孰勋，克谨克纯。显显赫赫，传于后人。天历元年十二月饶州路儒学教授秦元高撰。

本文辑自清杨世沅《句容金石记》卷六，见《石刻史料新编》第二辑第9册第6504页。秦元高其他生平事迹不详。

## 6、范庭珪《宋太府丞史公墓志》

史公讳曼卿，字景倩，号石泉，庆元鄞人。曾祖浩，太师、保宁军节度使、越王，谥忠定。妣魏越国夫人贝氏。祖弥正，朝奉大夫、直敷文阁、浙东提刑，赠少师。妣硕人陈氏，赠秦国夫人。考宣之，朝议大夫、直秘阁、提举福建舶，赠金紫光禄大夫。妣恭人徐氏，赠普安郡夫人。公生于宋开禧乙丑十月六日，以世赏任，止太府丞，广东提举常平茶盐兼运判，积阶朝奉大夫。卒于景定甲子三月廿五日，享年六十。子男三，湘伯、饶伯其幼，舟伯出继。女二：长适故通判婺州戴钰，次适前将仕范庭。公气资敏明，饬己端介，莅官所至，皆有声绩。先是宋咸淳乙丑秋，葬慈溪德门乡。其后庭自天台学录归里，省公之墓，则焚枢函骨于萧寺，岁月已久。子孙流落它乡，遗骸无掩藏者，罔不伤心。为女若，敢辞其责。于是闻官得请，谋于史氏之族前寿春推官徽孙，及公之兄子越伯。谓先叔祖窆于辩利寺之山，越伯捐己田换易以墓墙为限，是可以埋叔父之骨。公之兄子前临安都税得孙，暨从孙公悦、公美、公节、公至，咸曰：“女而葬父，孝也。而葬外舅，义也。曷敢不诺？”乃以元贞乙未四月十六日，奉函葬于鄞县翔凤乡辩利

寺侧，因旧莹也，姑墟始末纳诸幽。呜呼，痛哉！范庭 谨识，前进士王应麟填讳，张用刊。

本文辑自清杜春生《越中金石记》卷七，见《石刻史料新编》第二辑第10册第7285页。范庭珪其他生平事迹不详，虽然是由宋入元之人，但本文提到的“元贞乙未”为1295年，距宋亡（1279）已近二十年，按照《全元文》凡例，理应收录。

## 7、顾信《元故乐善处士顾公圻志》

顾信字善夫，号□□，乐善□士。祖居□州之崇明，至元十六年己卯岁正月初九生。生六岁，随父母移居平江嘉定之施庄。又十岁，迁于昆山州之大□家焉。祖考讳□达，祖妣王氏，□讳德，号可□，以长子新官登□□恩追封从仕郎□山州判□母陈氏封太宜人。信，次子也。幼读儒书，长习吏事，历□□□任□□□玉局使。任满，升杭州军器同提举，考满未代，思念太宜人年□八十□□□遂解官归侍亲。终服阕，不求闻达。平生孝□□友于兄弟。重义轻财，素无畜积之资，赋性□□□□□□□□善与人交□□亲族，相亲相爱，时与骚人□□□□□□□□适家有数顷之田，当役之际，怜贫恤老，割己俸公，不□而办，甘贫乐道。早年好字学，游文敏公赵学士之门，侍笔砚间几二十年。所得昂翁书翰，持归刻石，置于亭下，扁曰：“墨妙”。四方士夫广求碑文，目虽少明，不倦观览。娶钱敦武之女，白发相守。子男二人：长曰逢熙，次曰逢贤，各年及而立，相继早世。女三人，长曰妙义，适忠翊校尉温台等处海运千户□子铨，至正六年戊子冬，蒙恩例宣封顾氏妙义为崇明县君。次年己丑春二月，因疾而卒。次女曰妙宁，入赘虞士良，掌管家务。次曰妙观，出嫁殷实庶，生女一人。妙恭出嫁张士原。长男逢熙，娶王氏，生男三人，嫡长孙曰余庆，承继祖嗣，管催里正税粮。次曰余芳，出赘王氏。次曰余泽，出赘朱氏。次男逢贤，壮年出赘刘万户女妙华，仅十年，生女一人，无子嗣，归宁父母家，因疾亦先卒。孙女三人：长曰妙明，适殷子明。次曰妙升，适殷景信。次曰妙诚，赘杨可复。曾孙男三人，安孙、宁孙、添孙，俱幼。时公享年七十有五，至正十三年九月十八日以疾卒于家。廿有三日，遂葬于昆山州二十七保郭墩之先莹。友人章元泽述公自志之辞，姑纪其存歿之岁月，用纳诸圻云。故杭州军器同提举顾公自志。奉政大夫、海道都漕运万户府镇抚章元泽填讳并书。

本文辑自罗振玉《吴中冢墓遗文》，见《石刻史料新编》第一辑第13册第10167页。

（责任编辑：石磊）